

西北民俗文獻 第一卷

中國西北文獻叢書



Z122.4

1

4

中國西北文獻叢書·第四輯

西北民俗文獻

第一卷



新華書店
經銷

PDG

中國西北文獻叢書 (全二〇三冊)

第四輯 西北民俗文獻 (全二十六冊)

中國西北文獻叢書編輯委員會編
蘭州古籍書店影印出版發行

中國·蘭州通渭路四號

蘭州新華印刷廠制版印刷

一九九〇年十月第一版第一次印刷

開本 七八七乘一〇九二毫米乘十六分之一
批準文號 甘新出(一九九一)〇二一號
準印證號 甘新出〇〇一字總六三〇號

(九一)一三〇號

本輯分卷目錄

第一卷

西域番國志

新疆與圖風土考

西域聞見錄

第二卷

新疆回部志

卓尼記

紅山碎葉

新疆紀略

鄉飲習

第三卷

西徵續錄

新疆禮俗志・新疆小正

榆塞紀行錄

第四卷

甘肅全省調查民事習慣問題報告冊

玉樹土司調查記

第五卷

葉迪紀程

游隴集

游隴叢集

第六卷

甘肅大通縣風土調查錄

渭源縣風土調查錄

西北叢編

第七卷

雪泥三記

青海旅行記

西北的剖面

第八卷

西行見聞記

拉卜楞視察記

第九卷

青海風土記

甘肅風景

河西見聞記

新疆之文化寶庫

第十卷

到青海去

第十一卷

三省山內風土雜識

青海種族分布概況

新疆異俗漫談

西北導游

新疆種族宗教風俗記

第十二卷

中國的西北角

第十三卷

北草地旅行記

西北隨軺記

第十四卷

西北行

第十五卷

新疆游記

第十六卷

西北視察記

第十七卷

隴蜀之游

到西北來

第十八卷

西北漫游記

塞上行

第十九卷

青海省各縣風土概況調查記

西行雜記

甘肅省西南部邊區考察記

第二十卷

甘青藏邊區考察記（一）

第二十一卷

甘青藏邊區考察記（二）

西北花絮

新疆之種族與宗教生活

第二十二卷

花兒集

西北民歌

西北游牧藏區之社會調查

第二十三卷

期刊文獻（一）

第二十四卷

期刊文獻（二）

第二十五卷

期刊文獻（三）

第二十六卷

期刊文獻（四）

目錄

西域番國志

明 陳誠

三

新疆與圖風土考

清 椿園

三九

西域聞見錄

清 椿園

一四七

西域蕃國志

西域番國志

明 陳誠
李暹 撰

哈烈

哈烈一名黑魯在撒馬兒罕之西南去陝西行都司肅州衛之嘉峪關一萬二千七百里其地居一平川川廣百里餘中有河水西流四面大山城近東北山下方十餘里國主居城之東北隅壘碑石以為屋屋平方勢若高臺不用棟梁陶瓦中拱（按《使西域記》作欹）虛室數十間牆壁窓牖粧繪金碧琉璃門扉雕刻花紋嵌以骨角地鋪繒罽屋旁仍設綵綉帳房為燕寢之所房中設金床上鋪

茵褥數重不設椅磴惟席地跣跣而坐。

國主衣窄袖衣及貫頭衫戴小罩刺帽以白布纏頭髻髮後翹服色尚白與國人同國人皆稱之曰鎖魯檀鎖魯檀者猶華言君主之尊號也國主之妻皆稱之曰阿哈其子則稱為米兒咱者猶華言舍人也凡上下相呼皆直比（使西域記作稱）其名雖稱國主亦然不設大小衙門亦無官制但管事之人稱刁完官凡大小之事皆由刁完官計議處置。

凡相見之際略無禮儀惟稍屈躬道撒力馬力一語而已若久不相見或初相識或行大禮則屈一足致有三跪下之見上則近前一相握手而已平交則止握手或相抱以為禮男女皆然若致意

於人則云撒籃凡聚會之間君臣上下男女長幼皆環列而坐。

飲食不設匕筯肉飯以手取食羹湯則多以小木瓢汲飲多嗜甜酸油膩之味雖飯內亦和以脂油器皿多用甌瓦少用硃漆惟酒壺臺盞之類則用金銀不置桌礮皆坐地飲食若宴會則用低卓桌盛飯諸品羹湯一時并進食既則隨即撤去。

屋舍皆壘以磚石豪家巨室與國主同甚者如以絢綺撒哈刺之屬遮護牆壁以示騎奢其下產細民或住平頭土房或為繖帳屋皆不用瓦房以其雨少故不致傾頽也。

市井街坊兩傍築屋上設覆蓬或以磚石拱甃仍穴天牕取明晴不畏日雨不張蓋遇乾燥生塵則以水澆灑鋪店各分行頭

若弓矢鞍轡之類衣服各為一行不得參雜少見紛爭如賣馬駝
懋畜亦各聚一所。

城市人家少見炊爨飲食買於店鋪故市肆夜不閉門終夕燒燈
燃燭交易通用銀錢大者重一錢六分名曰等哥次者每錢重八
分名曰抵納又其次者每錢重四分名曰假即屑此三等錢從人自
造造完於國主處輸稅用印為記交易通用無印記者不使假
即屑之下止造銅錢名曰蒲立或六或九當一假即屑錢惟於其
地使用不得通行。

斗斛不置止用權衡權衡之制兩端設盤分中為準置大小鐵石
分斤兩輕重於一盤中以為度雖五穀亦以盤稱其斤兩之則各

處不同無一定之制。稅錢什分取二。交易則買者償稅。國用全資此錢。官府文書行移不用印信。國主而次與凡任事者有所施行止用。小紙一方於上直書事體。用各人花押印記。即便奉行。花押之制以金銀為戒指。上鐫本主姓名。別無關防。固有為奸偽者。

國中不用刑法。軍民少見。詞訟若有致傷人命亦不過罰錢若干。無償命者。其餘輕罪略加責罰而已。

酒禁最嚴。犯者以皮鞭決責。故不釀米酒。醞以葡萄。間有私賣者。凡有操履之人多不飲酒。以其早暮拜天。恐褻瀆也。國中體例有別色人願為回回者。云以萬錢給之。仍賜衣服鞍馬。

婚姻多以姊妹為妻妾。為一門骨肉至戚。雖同祖兄弟姊妹亦皆得為婚姻。至於弟妻兄妻。兄娶弟婦。亦其常事耳。國中男子髡首。

以素帛纏頭。婦女亦蒙以素帛。略露雙眸。如有喪制。反以青黑布。易之。帳幔皆用青黑。居喪不過百日。即釋服。

喪葬俱不用棺木。惟以有囊裹屍。置於塋內。富家巨室。多於墳上。高築土室。恣於華靡。貧民下戶。墳墓止於居屋旁。絕無所禁忌。

不祀鬼神。不立廟社。不奉宗祖。不建家堂。惟以墳墓祭祀而已。每月數次望西禮拜。名納馬思。若人烟輻輳之處。一所築大土屋。名默息兒。凡禮拜之時。聚土屋下列成班行。其中一人高叫數聲。衆人隨班跪拜。若在道途。亦隨處禮拜。

每歲十月并春二月為祀齋月。白晝皆不飲食。至日暮方食。周月

之後飲食如初。開齋之際，乃以射胡蘆為樂。

射胡蘆之制，植一長竿，高數丈，竿末懸一胡蘆，中藏白鴿一隻，善騎射者躍馬射之，以破胡蘆，白鴿飛去者為得索。

有通回回本教經義者，眾皆敬之，名曰滿喇，坐立列於眾人之右，雖國主亦皆尊之，凡有祠祭，惟滿喇誦經而已。

有等棄家業，去生理，蓬頭跣足，衣弊衣，披羊皮，手持柅杖，身掛骨節，多為異狀，不避寒暑，行乞於途，過人則口語喃喃，似可憐憫，若甚難立身，或聚人家墳墓，或居岩穴，名為脩行，名曰迭里速失。

有為醫者，於市廛中聚求藥之人，使之環列而坐，却於眾中口談病症，作為多端，然後求藥人皆出錢與之，醫者各散藥少許而去，效驗竟莫可知。

有好事之人於城市稠人中揮大鉞斧手舞足蹈高出大言驚世駭俗莫詳其故概警人為善之意。

有善步足者一日可行三二百里舉足輕便疾於馬馳然非生而善走蓋自幼習學而能凡官府有緊急事務則令其持箭而走報以示急切常腰掛小鈴手持骨朵其去如飛。

男女少能負荷乘載全仗馬騾驢駝若少輕之物則以頭戴超走搖揚不致覆墜。

婦女出外皆乘馬騾道路過人談笑戲謔略無愧色且恣出淫亂之辭以通問男子薄惡尤甚。

國俗尚侈衣服喜鮮潔雖所乘馬騾鞍轡多以金銀彩色飾

之遍身前後覆以氊罽懸以響鈴家家子弟俱係翡翠裝綉
衣袍珍寶綴成腰帶刀劍室飾以金玉或頭簪珠寶以示奢華
城郭鄉村居民按安堵深山曠野人馬獨行晝無虎狼夜無
鬼魅

四時氣候多暖少寒冬月如春小草之生與薺麥同出殘臘則遍
地已青青農事興作人家少見圍爐雖遠山積雪平處稀有春雨
雖雲多亦不終日隴畝田園街衢巷陌人家院落皆引水通流
以淨塵土雖天降雨澤不多而流水四時不斷

鄉村僻處多築水窖貯水以飲人馬其制高砌土屋廣濶水池甃
以磚石若冰窖然此流水少處故也